



**R.P. Leonardii Lessii E Societate Iesu Theologi. In D.  
Thomam De Beatitudine. De Actibus Hvmanis. De  
Incarnatione Verbi. De Sacramentis Et Censvris.  
Prælectiones Theologicæ Posthvmæ**

**Lessius, Leonardus**

**Lovanii, 1645**

Art. 4. Vtrum Christus vt homo, sit Filius Dei adoptiuus.

---

[urn:nbn:de:hbz:466:1-72898](https://nbn-resolving.de/urn:nbn:de:hbz:466:1-72898)

## QVÆSTIO XXXIII.

## De Adoptione Christi.

## In Quatuor Articulos divisa.

## ARTICVLVS I. II. &amp; IIII.

Vtrum Trinitati conueniat  
adoptare rationalem  
Creaturam?

<sup>1</sup>  
Quid  
Adoptio;

<sup>2</sup>  
Et quae ad  
eum necof-  
ficiaria.

Arrogatio.

<sup>3</sup>  
Institutio  
creature  
ex simili-  
tudine, si  
situr Ado-  
ptio.

<sup>4</sup>  
Adoptio  
spiritualis  
perfectionis  
quam hu-  
mana.

**R**espondetur affirmatiæ. Notandum est, *Adoptare aliquem in Filium iure humano* (per quod *adoptione* est *introducta*) nihil esse aliud, quam liberaliter personam extra-neam acceptare in Filium, & dare ius ad hæreditatem. Vnde requirit tres conditiones. Prima est, *Ut persona; que adoptatur, sit extranea; id est, non sit ita coniuncta naturaliter ipsi adoptanti, vt per se ius habeat ad hæreditatem*; talis est omnis, qui non est naturaliter Filius. Secunda, *vt gratis, & libera-  
liter illi conferatur hoc ius*; si enim detur titulo one-roso, non erit *adoptione*, sed *venditio*, *permutatio*, vel *similis contractus*. Tertia, *Requiritur consen-sus personæ, que adoptatur*; quia nemo subdit alteri nisi volens, præterquam in pñam; qua lo-cum non habet in adoptione, vt que magnum sit beneficium. Et quidem, si is, qui *adoptatur*, sit *sui juris*; solum per se debet contentire; diciturq; tunc *Arrogatio*; si autem non sit *sui juris*, requiritur etiam *consensus Principis, vel Parentis, vel Tutoris &c.* & hæc dicitur *specialiter Adoptio*. Colliguntur hæc ex l. 1. & 2. fl. de Adoptionibus, & institutis, eodem titulo.

Ad huius similitudinem, iustificatio cuiuscumque nuda creature sive Angeli, sive hominis; dicta est *Adoptione*. Ad Rom. 8. v. 15. *Accepisti spiritum adoptionis Filiorum*. Ad Eph. 1. v. 5. *Quos pra-  
destinavit in adoptionem filiorum*. Ad Gal. 4. v. 5. *Vt  
adoptionem filiorum acciperemus*. Ioan. 1. v. 13. *voca-tur Natuitas ex Deo*. Ob hanc caussam in Scriptu-  
ris Angeli sèpè dicuntur *Filius Dei*. Iob. 2. & 38. Nec oblat: quod Chrysostomus hom. 22. in Genesim dicat in Scripturis *nusquam vocari Angelos  
Filios Dei*; quia intelligi debet de editione Septua-ginta: vbi enim Hebreus & Vulgata editio habet *Filius Dei*; Septuaginta verterunt *Angeli Dei*: idque propter Ethnicos, ne existimarent Deum habere filios, sicut ipsi putabant de Ioue, & de suis Diis. Ratio autem, cur *Institutione* dicitur *Adoptione*; est, quia per iustificationem gratis tribuitur creature ius ad beatitudinem; qua beatitudo est hæreditas Dei; nam per illam & ipse diues est, & alios etiam diuites facit. Vnde hæc *Adoptione* perfectius & magis propriè est *Adoptione* quam humana: Nam humana *Adoptione* nullam intrinsecam perfectionem communicat *Filio adoptione*, sed solum ius quoddam morale & veluti extrinsecam denominationem. *Adoptione* verò quā Deus adoptat aliquos sibi in Fi-  
lios, tribuit intrinsecam perfectionē, quā spiritualiter regenerentur, hancque consortes diuina natura, 2 Pet. 1. v. 4. atq; adeò efficiuntur *Filius Dei*. 1. Ioa. 3. v. 1. Dices; ad rationem *Adoptionis* pertinet, vt

Filius non habeat hæreditatem, nisi Patre illam deserente per mortem: ergo &c. Respondeo, hoc solum pertinet ad *humanaam Adoptionem*; idque non ex communi ratione *Adoptionis*, sed ex imperfectione bonorum temporalium, quæ à duobus possideri simul nequeunt; vt recte D. Thomas a. 1. ad 3.

Ex his patet Primo; *Adoptare* esse opus totius Trinitatis; quatenus est hic Deus: Sicut enim omne opus ad extra communem est toti Trinitati, ab eaq; proficiscitur vt est unus Deus; ita & *Institu-tatio*, que reip̄a non differt ab *Adoptione*. Nec obstat, quod Filius & Spiritus sanctus non pos-sint generare: ac proinde non videantur, posse ad-optare; quia etiam iure ciuili possunt adoptare, qui tamen non possunt generare: vt patet ex locis citatis. Deinde, quia Filius & Spiritus sanctus ha-bent eandem numero naturam, quæ in Patre est focunda, licet non quatenus in ipsi.

Pater Secundo; *Solius creature rationalis esse adoptari in Filium Dei*: quia haec sola est capax il-  
līus hæreditatis. Nec obstat: quod Deus dicitur interdum *Pater peccatorum*, vt Isaiae 63. v. 16. Tu creature Domine Pater noster: & alibi. Item reliquarum creaturarum: Iob. 38. v. 28. *Quis est pluviæ pater?* quia hoc tantum metaphoricè intelligendum. Di-  
citur enim *Pater irrationalium*, quatenus est auctor eorum: Peccatorum autem pater dicitur, quia est benefactor illorum, mansuetè & paternè cum il-lis agens. Pari modo metaphoricè peccatores & creature irrationalies, dicuntur *Filiij Dei*.

Pater Tertiò; *Omnem puram creaturam ratio-nalem, sive Angelicam, sive humanam; sive ve-  
teris testamenti, sive noui; sive prædestinata sit, sive reproba, modò sit iusta, pro illo tempore quo iustitiae esse Filium Dei adoptionem*. Vnde vitanda est quo-  
rumdam sententia, dicens *præsebitum, etiam dum est in gratia, non esse Filium adoptionem*: Omnis enim iu-stus in Scripturis dicitur *Filius Dei*. Fundamentum enim filiationis non est prædestinatio, vt pote que sit in Deo, non in ipso homine; sed est participa-tio divina naturæ per iustitiam. Aduerte tamen, Adoptionem in Veteri testamento non fuisse tam perfectam, quam in nouo: tum quia non eximebat è statu seruili, in quo sancti illius temporis erant ratione legis; vt patet ad Gal. 4. tum quia non dabat ius audeundæ hæreditatis, nisi soluto prelio nostræ redēptionis. Nostra quoq; *Adoptione* imperfecta est respectu eius, quæ in gloria est; vt patet ad Roman. c. 8. v. 23. *Adoptionem Filiorum expectantes resurrectionem corporis nostri*.

## ARTICVLVS IV.

Vtrum Christus, ut homo, sit Filius  
Dei Adoptionis?

**R**espondetur; Christus absolute est *Filius Dei naturalis*, & non *Adoptionis*.

Notandum.

*Christus secundum propriam naturam non est Adoptivus, sed naturalis Filius Dei.*

Notandum est Primo; Certum est, Christum secundum propriam naturam non esse Filium Dei adoptum; ut quidam Ariani docerunt, sed naturalem. Quomodo videntur intelligenda quædam testimonia Patrum: Ambrosij lib. 1. de fide cap. 9. Per adoptionem nos Filii dicimus, ille per naturæ veritatem est; quomodo ergo est ex nihilo, qui ex nihilo fecit omnia? & lib. de Dominicæ Incarnationis Sacramento cap. 8. In vñ nostro est adoptivus Filius, & verus Filius. Adoptivum Filium non diciamus Filium esse naturæ; sed eum dicimus naturâ esse, qui verus est Filius, Simili modo intelligendum testimonium Hieronymi in 1. caput ad Ephef. & Hilarij lib. 3. de Trinit. apud Magistrum dist. 10. & Bedæ in cap. 7. Ioan. in illa verba: Nemo tanen palam loquebatur de eo.

*Ind. & secundum humanam naturam verò est & dicitur Filius Dei.*

Notandum Secundo; Christum secundum humanam naturam vere dici & esse Filium Dei. Ad Hebr. 1. v. 2. Nonissime diebus istis locutus est nobis in Filio, quem constituit heredem viuensorum. Atqui secundum naturam diuinam non est constitutus heres: ergo secundum naturam humanam: ergo secundum hanc est Filius Dei. Ad Rom. 8. v. 29. dicitur primogenitus in multis fratribus; quod tantum secundum humanam naturam verum est.

Sed tota difficultas est: Vtrum, quatenus homo, sit Filius adoptivus, an naturalis? Durandus in 3. dist. 4. q. 1. sentit Christum, vt hominem, dicendum esse Filium adoptuum. Idem probabile putat Scotus dist. 10. Alij hoc negant: admittunt tamen, ipsam naturam humanam posse dici adoptatum.

*Christus, ut homo, nec est, nec potest dici Filius Dei Adoptivus.*

Respondendū est, Christus, qua homo, nec est, nec potest dici Filius Dei Adoptivus. Ita D. Tho. h̄c, & infrā q. 32. a. 3. Magister in 3. dist. 10. vbi Albertus, Bonaventura, Thomas Argent, Paludanus, & cū communis hoc tempore. Et videtur omnino definita in Conc. Francfurdiensi tempore Caroli Magni, cui interfuerunt trecenti Episcopi, & Legati Adriani Papæ: quod fuit congregatum opera Caroli Magni contra Felicem Episcopum Vrgelitanum, & Elipanum Toletanum Archiepiscopum. Item videtur definita in epistola Adriani Papa ad Episcopos Hispaniæ. Habentur hēc in tertio tomo Conciliorum. Nam in hoc Concilio, & Epistola Adriani definitur, Christum non esse vlo modo Filium adoptivum; & ex multis locis constat illos loqui de Christo secundum humanam naturam: vt benè probat Gabriel yaquez tract. de Adoptione Christi.

Probatur Primo; Quia etiam si Christus loquatur de seipso secundum humanitatem, & de alijs simili, numquam tamē Deum vocat Patrem nostrum, sed propriè suum, Ioan. 20. v. 17. Ascendo ad Patrem meum, & Patrem vestrum, Deum meum & Deum vestrum. Apertè insinuans, aliter esse Patrem suum, aliter nostrum. Quod autem de se secundum humanitatem loquatur, patet ex illo, Deum meum, & Deum vestrum. Ita Adrianus. Secundo, Ad Rom. 8. v. 32. Qui proprio Filio suo non peperit, sed pro nobis omnibus tradidit illum. Si proprius, ergo non adoptivus. Eſſe autem sermonem de Christo secundum naturam humanam, colligitur ex illis verbis, Pro nobis omnibus tradidit illum: traditus enim est non secundum diuinitatem, sed humanitatem.

*Quousque concant quada m Scriptura, Christum non est. Tertiō: Matth. 16. v. 17. Tu es Christus Filius Dei Ium adop- tivus, sed naturam.*

At Tertiō: Matth. 16. v. 17. Tu es Christus Filius Dei Ium adop- tivus. At si quis bene expendat haec, & alia testimonia, nihil conuincunt aliud, quam hunc hominem.

nam, seu Christum absolute esse Filium Dei naturalem per communicationem idiomatum, & non esse adoptiuū distinctum à naturali.

Verū nullo modo posse dici Adoptivum secundum humanam naturam:

Probatur Primo, Ratione D. Thomæ; filatio est proprietas persona: ergo nihil dicitur *Filius Ratio que- dam D. Th. minus est.* adoptivus, nisi persona. At persona Christi est *Filius naturalis*: ergo non per adoptionem. Prob. consequentia: Quia idem non potest dici per se tale, & per participationem. Verū hæc ratio non est omnino firma; quia secundum diuersas naturas id nihil vetat: sic enim Christus est beatus per essentiam, & per participationem est Filius Dei, & Filius Virginis. Vnde

Probatur Secundo; De ratione adoptionis est, vt *Alia Ratio, cur Chris- persona extranea liberaliter acceptetur in Filium, eique sūs non detur ius ad hereditatem.* Atqui Christus non est *sit Filius persona extranea*; nam naturaliter est coniunctus *Dei adopti- us, quia* Deo, & habet ius ad cœlestem hereditatem: ergo *non est* nullo modo conuenit ei *adoptionis*. Confirmatur, *Per Persona* Quia huic persona nulla facta est liberalitas; quod *extranea* tamen includitur in ratione *adoptionis*, &c.

Dices; Natura humana, in qua Christus subsistit, secundum se est extranea Deo: ergo Christus, vt homo, est persona extranea: ergo potest adoptari.

Respondeo, Negando Consequentiam: Etsi enim natura secundum se sit extranea; tamen, hoc subsistens in hac natura non est extraneum; neque secundum se, cū sit Filius Dei per essentiā; neque ratione natura vnitæ, quia hæc vno facit *vt na- tura humana sit natura Filii Dei.*

Dices, Saltem natura humana erit adoptata; *An saltem possit dici natura* nam secundum se est extranea.

Respondeo: Gabriel admittit, sed absolute *humana adoptata* negandum est: nam exp̄s̄ in codem Concilio rejecit. Ratio est, Quia naturæ non est adoptari, sed persona. Ita D. Thomas. Verū hæc ratio non videtur omnino sufficiens; quia anima nostra non impropriè dicitur *adoptari*, & esse *Filia Dei*: quamvis enim propriissime conueniat persona, tamen etiam non impropriè conuenit naturæ: nam natura etiam ius habet ad cœlestem hereditatem. Vnde nec Concilium, nec Adrianus hanc causam adferunt.

Vera igitur Ratio est: Quia id, quod *adoptatur*, *vera ratio, cur natura ita est extraneum*; vt etiam post *adoptionem* recipia *humana in Christo sumptionem*, non manet recipia *extranea* Deo, sed *non possit recipi* substantialiter vnitæ: ergo ipsa non potest *adoptionata* in Christo.

Maior probatur; Quia de ratione adoptionis est, *Adoptio, vt adoptatum jungat & copulet adoptanti solo affi- vnde dicta,* & ita vt non iungat & copulet per naturam; vt etiam ipsa vox insinuat. *Adoptio enim dicitur a de- siderio*, quo quis alterum, quem sibi naturaliter coniunctum habere nequit, per affectum loco Filiij habet. Vnde si affectus est ita potens, vt recipia communicaret naturam adoptantis alteri, non est *adoptionis*, sed quasi generatio Filiij. Hanc rationem apertè insinuat libellus, qui inscribitur *Sacra- filibus columnæ septima*, editus à Patribus Cöci- lii Francfurdiensi, & cōiunctus eidem Concilio.

Dices Primo, Christus, quā Homo, non est Filius Dei naturalis: ergo *adoptivus*. Antecedens Probatur; Quia Christus, quā homo, non est Deus: ergo non est Filius Dei naturalis: nam hic intrin- seca est Deus.

*Obiectio.*

Répon-

### Solution

**Quemodo** enim *Filius naturalis* dicatur , cui esse paternum  
**Christus,** ut homo , non est *Filius Dei naturalis*,  
ut homo , sed ut **Deus:** Si autem dicatur *Filius naturalis*, cu-  
mque modo esse paternum communicatum esse  
substantialiter , ita ut substantialiter maneat uni-  
versitas ; sic *Christus* , ut homo , est *Filius Dei natu-*

*ralis*, quia esse diuinum *communicatum est humani-  
tati substantialiter*, ratione cuius *communicationis*  
*hic homo haberet ius ad omnia bona paterna :*  
*Adoptionem autem excludit communicationem rea-  
lem naturae *Adoptantis*. Ad probationem Antece-  
denter, Respondeo; Et si Christus, ut Homo, non  
sit Deus; tamen, ut Homo, est Filius Dei natu-  
ralis, non Filiatione aternâ, sed temporali, re-  
sultante in humana natura ex unione hypothistica;  
seu ex communicatione illa diuinitatis, qua fit  
*Explicatur* per hypotheticam vniōnem. Est autem haec filia-  
tio naturalis, quia prouenit ex naturali, seu sub-  
stantiali vniōne diuinitatis cum natura humana :  
non tamen est relatio realis; sed moralis quedam  
dignitas, fundata in natura diuina sic communi-  
cata, & resultans in natura humana, & per eam  
denominans ipsum Verbum, quatenus est homo.  
Hinc patet discrimen inter hanc filiationem, &  
adoptionem: Nam haec immediate fundatur in  
diuina natura sic communicata humanitati; illa in  
participatione creata, quæ est radius quidam di-  
uinitatis, non ipsa diuinitas: quod fit, ut infinita  
sit inter has distinguita.*

**3. Obiectio.** Dices Secundò, Gratia habitualis erat in Christo, & dabant illi ius ad cælestem hereditatem: ergo faciebat ipsum Filium Dic adoptiuum. Consequentia Probarunt: Quia hac ratione constituit nos Filios Dei adoptiuos.

**Solutio n.** Respondeo; Gratia habitualis non faciebat ipsum Filium Dei naturalem, cum non communi-  
**Cur Gratia habitualis non faciebat ipsum Filium Dei naturalem?** caret illi paternam naturam substantialiter: ne etiam adoptum faciebat; quia ratio Filij adoptionis postulat, ut sit extraneus, & talis maneat, soloque affectu sit filius: vnde includit negationem realis filium hanc. Vnjonis cum parente.

**Dei, ut fa-  
ciet in nobis** Deinde haec gratia habitualis supponebat in ipso filiationem naturalem priorem; ex hac enim tamquam proprietas debita sequebatur. At illa communicatio, qua facit Filium, prima est & principialis, unde cetera manant. Confirmatur: Quia idcirco, qui est filius tuus per naturam, non po-

test fieri filius per adoptionem: quia per illum a-  
etum adoptionis non daretur illi prima commu-  
nicatio; iam enim praecessit naturalis. Vnde et  
iam si donum gratiae in nobis, faciat nos filios ad-  
optionis, non tamen in Christo.

Dices Tertiò; Ch̄ristus, vt homo, est Filius totius Trinitatis; non naturalis: ergo adoptiuus. 10  
Quòd non naturalis; Probatur: quia alioquin est Filius naturalis suipius, & Spiritus Sancti: quod est contra Concilium Toletanum XI. in confessione fidei.

Respondeo; Concedo Christum, quā homo, Solutio,  
esse filium naturalem totius Trinitatis, scilicet  
filiatione temporali, quam habet ratione commu- Christus,  
nicationis diuinæ naturæ factæ in Incarnatione: quā homo,  
vt exprefse docet Adrianus in dicta Epifola, dñi poterit dicit  
vult illud Matth. 3. & 17. Hic est Filius meus dilec- filius na-  
tus, non ad Patrem sed ad totam Trinitatem re- turalis ro-  
ferri; & similiter illud Ioa. 20. v. 17. Adscendo trinitatis,  
ad Patrem meum & Patrem vestrum. Quamuis pos-  
fint hæc valde bene de prima persona diuinitatis An. &  
& de filiatione æterna intelligi; vt plerique Pa- quæmodò,  
tres intelligunt. Verum Adriani quoque inter- Christus,  
pretatio bona est. Hinc tamen non sequitur, ipsum ut homo,  
esse dicendum filium sui; quia sic absolute signi- fit dicens  
ficatur distinctio supponiti; sed addenda est de- filius sui,  
terminatio, quia illum sensum corrigat: v. g. Christus, ut homo, est Filius Verbi, vel sui, quā Deus est: vel spiritu-  
sic, Verbum est Deus, & est pater Christi, ut ho- minis. Similiter non est dicendum sine explicati- fæ, finali  
one, quod Christus, quā homo, sit Filius Spiritus sancti: idque ab alijam causam, scilicet ne videatur significari Spiritum sanctum, officium paternum in formanda humanitate, præstissime; non enim formauit ut pater, sed ut creator. Et ideo Conc. Toletanum vndeциimum loco cit. & Au-  
gustinus cap. 38. Enchiridij negant I e s v m dici posse Filium Spiritus sancti, quamvis alio sensu, iuxta suprà dicta possit admitti.

Dices Quartò; Christus, vt homo, est creatura: ergo Filius adoptius. Respondeo Negando Consequentiam: quia Filius adoptius excludit uniuersalem naturalem cum diuinitate, non autem ratio creature eam excludit.

Dices Quinto; Si Spiritus sanctus heret homo, et esset Filius Dei; non naturalis: ergo adoptivus. Respondeo, esset Filius naturalis, non aeternâ generatione, sed communicatione diuinitatis per uniuersum hypostaticam cum humana natura.

Q VÆSTIO XXIV.

## De Prædestinatione Christi.

ARTICVLVS I.

*Vtrum Christo conueniat esse pra-  
destinatum?*

I  
Conclusio  
est affir -  
mans.

**R**espondetur; Christus verè & propriè est prædestinatus. Ratio est; Quia unio naturalium in Christo cadit sub æternam Dei prædestinationem. Atqui Christus significat hoc com-

positum constans vnione naturæ humanae cum  
diuina persona: ergo est prædestinatus: èadem  
enim prædestinatione prædestinatur caussa for-  
malis vel quasi formalis, & effectus eius: atqui  
Christus est veluti effectus formalis vnionis:  
ergo &c.

Dices Primo, Id quod est æternum, non præ-destinatur: Christus est æternus: ergo &c.

Respondeo; Id, quod est æternum, quā parte  
æternū, non prædestinatur; vt recte Augustinus  
tract. 105.